



INSURANCE AGENCY OF
BOSNIA AND HERZEGOVINA

Broj:02.3-50-321-3/18
Sarajevo, 13.12. 2018.god.

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), tačke 6. Smjernica za izradu planova za borbu protiv korupcije u institucijama sa javnim ovlaštenjima Bosne i Hercegovine od septembra 2017.godine i člana 8. stav (1) Pravilnika o unutrašnjoj organizaciji Agencije za osiguranje u Bosni i Hercegovini br. 01.1-02-1/06 od 12.10.2006. godine i br. 02.3-02-2-239-1/15 od 05.08.2015.godine, a u skladu sa Mišljenjem Agencije za prevenciju korupcije i koordinaciju borbe protiv korupcije broj 06-07-4-543-81/17 (G.V) od 13.02.2018.godine kojim je dato pozitivno mišljenje na Akcioni plan borbe protiv korupcije ove Agencije, direktorica Agencije za osiguranje u Bosni i Hercegovini donosi

ODLUKU
o usvajanju Akcionog plana borbe protiv korupcije

1. Usvaja se Akcioni plan borbe protiv korupcije Agencije za osiguranje u Bosni i Hercegovini (Inovirani tekst) broj 02.3-50-321-2/18 od 13.12.2018.godine.

2. Aktivnosti predviđene Akcionim planom borbe protiv korupcije Agencije za osiguranje u Bosni i Hercegovini (u daljem tekstu: Akcioni plan Agencije) će se implementirati, redovno analizirati stepen implementacije i putem kontakt osobe, u skladu sa rješenjem direktorice Agencije broj 02.3-50-321-5 od 13.12.2018. godine, izvještavati Agenciju za prevenciju korupcije i koordinaciju borbe protiv korupcije (u daljem tekstu: APIK) prema predviđenoj dinamici ili po potrebi.

3. Akcioni plan Agencije objaviće se na službenoj internet stranici.

4. Odluka stupa na snagu danom donošenja.

Obrazloženje

Smjernicama za izradu planova za borbu protiv korupcije u institucijama sa javnim ovlaštenjima, donesenim od strane APIK-a utvrđen je standardizirani procesa kreiranja i implementacije planova za borbu protiv korupcije u institucijama sa javnim ovlaštenjima u Bosni i Hercegovini. Jedan od segmenata u tom procesu je i usvajanje plana i to nakon prethodno dobijenog mišljenja APIK.-a. Svojim aktom broj 06-07-4-643-8/17 od 13.02.2018.godine APIK je dao pozitivno mišljenje na Akcioni plan Agencije. Kako je ova Agencija izvršila korekcije odnosno ispravke grešaka u Akcionom planu, to je navedeni dokument postao operativan, odnosno stavljen je u funkciju.

Na osnovu opisanog činjeničnog stanja , odlučeno je kao u dispozitivu odluke.

Dostaviti:

1. APIK
2. a/a

